

國朝詞綜續編

國朝詞綜續編卷十六

吳縣 潘介繁 襄校

仁和 徐慶銓 編次

海鹽 黃燮清 編纂 平湖 張炳堃 增訂

錢塘 諸可寶 校勘

永康 胡鳳丹 監刊

錢聚朝 二首

章 溥 二首

李光溥 一首

潘希甫 二首

王逢辰 一首

沈兆霖 四首

沈宗約 一首

喬重禧 四首

沈家模 二首

邵建詩 一首

戴錫祺

二首

勞勲成

一首

柳淦

一首

王憲成

一首

汪适孫

七首

莊縉度

一首

桃斌桐

二首

高錫蕃

二首

陳長孺

二首

鈕福疇

一首

吳嘉淦

三首

如山

一首

陳其泰

三首

張熙

一首

韋光徽

一首

吳嘉亭

一首

陳彬華

四首

車伯雅

一首

石同福

五首

巖适

二首

錢聚朝

字曉廷自號萬蒼山樵嘉興人
道光十五年舉人官滄安教諭

慶春宮

春雨遺懷

山影沈煙湖雲罨樹曉窗人起簾卷中酒情懷惜花天
氣者番愁緒難遣微吟擁被柰翠袖樓頭寒淺思量不
信逝水年華夢長春短 卻教錯怨東風故故吹來雨
絲難斷低徊閒仁雕闌頻倚待約尋芳猶嬾散花人去
只一日迴腸千轉流鶯催暝便過今朝已愁今晚

水龍吟

阻風瓜步夜泊

危檣獨倚沙汀江空夜靜搖虛碧蒼茫四顧星垂天遠
潮生風急幾點更籌千家燈火潤州咫尺柰歸期猶阻
盈盈帶水難飛渡愁如織 天塹古今誰畫笑匆匆蝸
爭半壁英雄老盡惟餘煙外六朝山色夢落南徐涼移

西渚數聲殘笛問兵樹許借朝來安穩鼓橫江楫

章

溥

字寶華嘉興人道光十五年舉人有頽花閣集

醉江月

秋蘆

煙梢織暝蕩寒波十里低窺雙鷺兩岸微茫吹笛冷界
破蓼汀蘋渚枝染霜痕花妝月色葉颭疎疎雨西風蕭
瑟耳邊涼作秋語遙指卅六灣頭楓酣露白渺渺人
何處頭白江湖搖落後無限夕陽澗湖雁塞聲寒鱸鄉
夢遠減盡征衣絮一篷飛雪漁郎吹火歸去

翠樓吟

綠陰

紅黯殘葩綠團叢葉石闌幽蔭蔥蒨柳塘煙靄鎖釀天
氣嫩寒輕暖溼痕一平片看密綴苔衣濃侵蕉扇春人

遠踏青路杳碧雲遮斷
夏淺將近鶯眠作穀雨溫風
陰晴剛半午鳩啼破暝
翠羽滿身涼濺筍肥梅綻正
書榻琴眠幽窗棋倦迷歸
燕濛濛花霧誤他雙翦

李光溥

字競白號儉才仁和人
道光十五年舉人

滿江紅

題黃韻甫帝女花院本傳明季坤興宮主事

一霎歌場有無限纏綿悱惻
渾闋盡綺羅蓬葆鐘魚琴瑟
並蒂蓮開心自苦殘枝藕斷
絲難擘問畫眉深淺入時
無無言泣塵劫換紅羊
尾星度朗紅鸞吉怪鴉
鵲噪恁般幽寂完璧一
雙存國寶聘錢十萬邀天
錫大排場了結再生緣
才人筆

潘希甫

字補之江蘇吳縣人道光十五年舉人官內閣中書著有花隱庵詩詞

虞美人

燕南道中寄內

馬頭鈴語衝寒瘦襟上痕翻酒窺簾斜月夢西窻親見
玉人無語背銀缸一緘錦字相思句要寫無頭緒記
曾花底送行時分付天涯春去莫題詩

蝶戀花

又是天涯春去後和夢和愁情緒濃於酒如水嫩寒簾
底逗更誰替把鴛衾覆滴盡銅壺窗曙否推枕徘徊
起倚銀屏久別院玉簫聲似舊刺桐花外涼蟾瘦

王逢辰

字芭亭嘉興人
誦生現官訓導

念奴嬌

題黃韻甫桃溪雪院本傳吳絳雪女史殉
烈事

冰壺注水寫淒涼眉黛楚絃哀裂小影素娥憐獨處想

像前生明月心上秋生耳邊火發慘澹琵琶別家山回
首杜鵑花外嘯血 堪笑袞袞羣公談兵兒戲應變真
無策卻借紅顏銷白刃不管綠珠飛屑化石魂歸成煙
夢杳鸞舞蓬山雪長歌當哭大江同此嗚咽

沈兆霖

字即亭錢塘人道光十
六年進士現官侍郎

洞仙歌

爐煙不動倩重簾畱住簾外風篁綠能舞便蕉衫緩卸
羽扇遲搖停雲黑釀就一天涼雨 家風腰易瘦藥裹
支持長日如年病中度六月小桃開插供瓷瓶更手折
幽蘭聘與儘坐對無言暗銷魂也算得閒愁十分情緒

霓裳中序第一

南湖早夏

方池水正滿一綠連天
人不管沙岸紫蒲尚短
儘涼蛤亂鳴荒鳩閒喚
陂塘見慣歎物華俄頃
催換梅黃近鬱蒸天氣
白袷已嫌暖湖畔宋時
亭館賸玉照猶題舊款
青山曾否識面百本梅
陰閉戶銜怨萊畦誰氏
灌但露薤煙臺長徧沈
吟久晶宮無恙濯影自
清淺

秋霽

秋苔

無限淒迷正淨洗梧桐
密雨纔歇近石平鋪傍
牆勻砑暗補海棠紅缺
銅池翠接恍將銅繡搓
成屑只問爾踪跡寂寥
禁得幾霜雪遙山定已
點就秋妝更向疎林襯
了黃葉記春時庭中半
畝那堪提起更愁絕開
遍野花娛瘦蝶蔓延如
此任他漢殿金盤魏宮
冰井也都埋

沒

長亭怨

冬柳

再休問東風前事寂寞河橋一寒如此數尺殘絲未全
搖落尙淹滯雪花飄亂人共說楊花似恁不向江潭更
認我三眠三起已矣悟長條折盡總爲管人離思徐
孀老去早眉黛眼波難記但記得囑咐東君道千萬早
成歸計便欲問春江昨夜寒梅花末

沈宗約

字鶴坪鎮洋人
有潭影軒詞稿

鷓鴣天

閨情

幾片輕雲薄似羅庭花開向晚秋多不知何處淒涼笛
風送聲聲窗外過心似錦意如梭捲簾獨坐嬾吟哦

宵來欲解相如渴，夢去君山採碧蘿。

喬重禧

字鷺洲，上海人。貢生，有宜園詩餘。

黃霽青云：宜園詞才調富有情致，纏綿惟酒後花前一時興到，有聲韻不及檢處。

西子妝

靈隱卽事

松雨迷山竹，雲布海釀得綠。天無縫，石氣千秋寒不醒。
染苔痕，鬢毛俱凍，煙凝霧擁。暑微逗斜陽，如夢洗塵心。
泉流琴筑，風篁交弄。經誰諷，迦陵法喜鐘磬穿林共。
老僧指說伊蒲熟，剩金鍋銷完南宋。江山秀聳，況湖水
濃於酒甕，任風殘月曉，飲來須痛。

鳳凰臺上憶吹簫

視玉偏柔比簫，還脰春人，軟語玲瓏。向畫闌干畔，瘦倚

東風愁說碧桃花落對流水幽怨惺忪渾忘卻黃昏近
了黃月朦朧 愔愔這回去也似柳絮飄萍蘆絮飄蓬
記昨宵相約今夜相逢卻又明朝相憶暮江上雲樹孤
逢休回首峭帆緊催淚滴潮紅

高山流水

金山誌別送毛生甫曼卿還蘇州余將有揚州之游分手於此江山相對黯然魂銷也

大江東下又深秋感西風闌住扁舟一片好煙波中含
萬疊離愁愁偏在揚子中流分明爲今日君歸茂苑我
向真州惹些些客淚灑上妙高樓 回頭雲邊指親舍
忍負了潔白蘭羞負米共情深知爾此去難畱趁迴潮
帆葉先抽孤悽甚望斷江天閣外荻渚蘆洲待斜陽晚

渡瓜步伴沙鷗

高陽臺

泛舟小秦淮湯小雲仙史招飲貯雲水閣酒痕鐘影都在微波盪漾間也

畫舫衝波紅闌靠水美人喚住蘭橈甚處幽香隔簾紈
扇輕搖秋陰庭院涼於水顛芙蓉紅溼釵翹莫辜他昨
夜星辰今夜笙簫揚州舊是銷魂地况二分明月十
里虹橋畧逗歸心愁痕頻上眉梢今生甘爲相思死柰
催人江口寒潮最堪憐鐘影挑殘夜雨瀟瀟時余擇日將行

沈家模

字美江嘉興人官山西吉州吏目

玉女迎春慢

雪美人

玉骨冰肌偏吹墮十丈輕紅深處誰與搓酥滴粉貌出
雪兒眉嫵天寒日暮問添得閒愁幾許瑤臺初下飄泊

自憐金屋難貯 傍他鈿砌雕闌斜陽獨立淚珠彈雨
早自沾泥性定肯逐天涯飛絮春風倦舞謾拍到霓裳
新譜伴取淒涼一樹早梅香吐

瑤華

茉莉帳

銀絲綴玉綵綫穿珠稱蘭牀清絕梅花繭紙笑只合酒
醒天寒時節雙鉤緩控蕩素影碎霏瓊屑更有人浴後
妝殘一樣粉痕融雪 不須窵地紅羅愛深護芳肌涼
沁冰骨梨雲夢穩似綰定前度春愁千縷花光淡映渾
錯認滿身明月卻夜來暗麝香濃慣惹歸來仙蝶

邵建詩

字叶辰嘉興人諸
生有聽春閣詞

臨江仙

題瘦吟樓文氏金纖纖遺研背有文氏小

一葉銀蕉含露白玉臺曾結芳鄰畫樓吹斷鳳簫聲碧
天雲遠畱影認真真寫出吟腰秋樣瘦數行珠字清
新墨池波冷蕩愁痕半奩眉月空自照黃昏

戴錫祺

字蘭卿

聲聲慢

自題楊柳岸曉風殘月圖

亂鴉催曙獨雁驚寒前谿曉色微茫一抹村煙不堪點
綴秋光尋常舊經迴處繫離愁幾樹垂楊帆乍卸指青
帘飄曳路認漁莊搖落疎星山外斂眉梢纖影畱照
空塘破帽多情年來慣歷冰霜天涯俊游洵美倚孤篷
無限淒涼空極目夢迢迢千里故鄉

山亭宴

人日集蓮亭之秋雪簾和沈匏翁

玉盤早韭春初薦，喚提壺嫩晴池館。彩勝颭雲鬢，看挑
菜人歸別岸。青衫添得酒痕新，算佳約今朝重踐。醉墨
快題襟，倚十二闌干徧。鬧紅冷落鷗波遠，鷺回首採
蓮歌斷。雪意釀輕寒，隄柳外東風似翦。舊游俊侶，半天
涯。

謂杖仙

介甫暗句起尊前，愁滿夕照。長吟鞭綺陌，芳塵亂。

勞勳成

字介甫，桐鄉人，官江甯藩倉大使。

甘州

沈匏翁招集蓮亭同賦紀遊

記年時結侶漫尋秋，清景太蒼涼。喜闌干重倚，麴塵香
暖十里陂塘。最好盈隄新綠，搖曳幾垂楊。草色裙腰綠，
鶯弄輕簧。一望碧痕無際，被春風吹皺，蕩漾波光。盼
田田萬頃環珮鬪，新妝待花時。嬉煙蕩水更相宜，添个

小吳艤看歸路女牆猶賸一角斜陽

柳

淦

字式如丹徒人太學生有詠秋軒詞

菩薩蠻

東君不管人煩惱流鶯無數曉春曉春恨上眉邊落花
飛絮天年年芳草綠惆悵春歸速獨自奈愁何黃昏
風雨多

王憲成

字蓉洲常熟人官至兵科給事中著有桐華仙館詞一卷

菩薩蠻

洛陽上巳

玉津園裏韶華老柳花如雪隋隄道雙燕畫梁飛相思
天一涯竹扉青影鎖雨潑清明火春暮不歸來碧桃
花亂開

汪迺孫

字亞虞號又村錢塘人侯選州同知有甲子生夢餘詞

七孃子

第三株柳來時記畫船都把閒愁繫窄徑相逢迴廊悄
避一雙蝴蝶知人意東風吹過衣香細斜陽無語花
枝倚金縷鞵邊玉絲裙底靡蕪寸寸銷魂地

賀聖朝

鈿笙勒住春寒峭記闌干同靠除他明月照儂來去更
誰知道天涯有約飛歸棹說薔薇開了吳箋雙疊印
文紅押鴛鴦顛倒

碧牡丹

畫舸秋江泊暝樹外收帆腳幾點疎燈隱隱水村山郭

客裏閒愁算恁生拋卻共潮生共潮落 睡難著埋怨
羅衾薄西風嫩寒先覺屈指歸程玉釵已負前約可柰
今宵更月明如昨照來同坐來各

雙紅豆

任可憐去可憐燕子樓臺寒食前桃花紅接天 裏湖
船外湖船祗隔湖隄楊柳煙綠波平兩邊

憶少年

新秋天氣新晴庭院新涼鐙火甌香沁茶夢試單衣初
可 花竹琴書風月我伴今宵漏長同坐詩成澹無語
有蟲嬾低和

喝火令

頰暈微含醉眉窩淡掃妝袖羅風悄夜初涼何處一枝
橫笛吹斷那人腸想入鑪煙幻愁和漏滴長別來如
夢說來詳幾樹梧桐幾尺小紅牆幾扇鈿窗臨水窗外
臥鴛鴦

連理枝

花落鶻嗁早柳暗鶻嗁老玉笛樓頭玉驄門外別愁多
少柰一江春水一帆風更一天斜照影也無從抱夢
也無從到眉瘦山尖腰寬帶孔有誰知道算闌干寸寸
繫相思况相思人靠

莊縉度

字眉叔陽湖人道光十
六年進士官戶部主事

壽樓春

星齋以所作壽樓春詞見示卽和原詞

聞幽香清宵鎮芳塘雨歇蓮葉珠拋隔著橫波畫舫白
鷗誰招雲態薄簾絲飄最愛他秋聲芭蕉又玉兔痕織
銀蟾影瘦眉意兩邊嬌相思遠貽紅椒怪牽儂別夢
冷卻詩瓢試訪同心空谷薛煙蘿潮愁倚竹寒瀟瀟渺
翠樓佳人蘭翹儘攜手花間飛來一枝青玉簫

姚斌桐

字秋士襄平人道光十六年進士官兵部主事有還初堂詞一卷

潘季玉序云秋士隸漢軍以進士官中樞貧且困不得遷卒於官爲人冷雋孤潔嘗往來於吳越楚黔其詞沈微悱惻無世俗溫縷之態而貧困且不中壽而死合徐鮑甫嘗言秋士詩慷慨多幽燕之聲而散佚不得見存世者止此耳

國香慢

題清微道人畫蘭

何處湘濱認清波幾曲隔斷微雲誰將兔毫輕寫現此

花身多少紅蘅碧杜總輸與空谷佳人晴窗靜相對露
葉風枝領遍清芬 江南南望遠歎舊遊如夢春去無
痕仙源路迴况是解佩殷勤霜剪輕紈一握恍認得楚
楚香魂霜縑自珍重錦裏晨開芸餅宵熏

青玉案

酒醒

秋來怕照潘郎鏡繁華夢無畱影百罰深杯拚酩酊糟
邱臺畔華胥國裏換箇清涼境 秋深門掩人初定銀
箭丁丁暗中聽濁酒無情還易醒鑪煙銷炷殘燈生暈
檐雨絲絲冷

高錫蕃

字巳生烏程人道光
十七年舉人官教諭

木蘭花慢

題榆樓感舊圖

渺清谿何處歎逝者水迢迢恁過眼韶華春來如線春

去如潮河橋那時惜別黯無言上卻木蘭橈余赴燕時過柯山話

別尚擬重逢話雨恁知紅燭難燒飄飄垂柳萬千條

情緒更蕭寥有吟侶愴懷素琴絃絕濁酒杯澆山腰白

雲飛起故人心寫不了生綃試譜招魂一曲月華伴我

吹簫

滿庭芳同人集余海棠吟館限詞賦秋海棠

弱質煙欹香心粉彈一簾秋翠幢幢嬋娟幽怨獨處未
成雙吹過幾番暮雨唾脂痕不上紗窗苔階伫淚珠如
洗和夢到湘江 琤琤還聽取佩聲來也訴出愁腔正
寒蛩露咽瘦蝶風降記否濃妝沈睡照深夜高剔明釭

春歸後爲君腸斷空酌酒盈缸

陳長孺

原名丙綬字伯章號秋穀歸安人道光十七年拔貢生有畫谿漁唱紅燭詞蕭瑟詞寶鈿庵詞

憶秦娥

送春曲

春歸急風風雨雨誰畱得誰畱得芙蓉鏡裏那時顏色
天涯幾箇同爲客平蕪目斷傷心碧傷心碧斜陽冷
處數聲殘笛

瑤花慢

風雪客窗擁爐孤坐偶拈此解寒寂頓消

模糊畫本數點歸鴉認亂雲堆墨癡龍睡醒剛喚起聽
我尊前吹笛銀燈照處悵絮粉淚痕難覓憑幾番翠羽
飛來替說瑣窗岑寂空懷白石風流儘寫箇湖天千

樹寒碧騎驢舊與尋不到
那日灞橋詩客吟肩瘦矣但
老鶴仍能相識記昨宵
夢裏孤山已探玉梅消息

鈕福疇

字西農烏程人道光十七年拔貢生
舒城知縣有亦有秋齋詞鈔二卷

金縷曲

題內子王雲華白嶽采芝圖白嶽在海陽
城西爲新安名勝與歛之黃山齊名有
源洞天相傳爲遯仙飛昇處雲華在署
年餘厭厭善病庚子秋病愈乃事登臨至
白嶽以爲名山仙境不虛所聞流覽忘疲
之繪圖紀遊題者甚夥矣晴窗展卷譜此題

爲覓長生訣問名山洞天第幾紅霞一抹曾記仙人騎
白鶴飛入松濤萬疊有百歲青猿能說翠佩銖衣身縹
緲上瑤壇不響芙蓉屨濃黛染露華浥雲天雲海排
銀闕看珊珊飛瓊下拜雙成參謁聞說斑龍剛睡熟摘

得靈芝九葉知不要金丹換骨付與妝臺清供好想仙
裙吹皺應畱褶香一路撲黃雪

吳嘉淦

字澄之號清如吳縣人道光十八年進士
官戶部員外郎軍機章京有蟬前蝶後詞

虞美人

贈女郎絲春

芙蓉仙館嬌鶯語喚起閒愁緒自開奩鏡埽雙彎無限
惜春心事上眉山塵中誰是聽歌者繫馬章臺下落
花流水不勝情可惜江南零落庾蘭成

浣谿沙

一陣歸鴉向晚飛蒼然暮色到前隄家家籬落亂煙迷
人語白雲深樹外秋心黃葉夕陽西寒風吹碧下荒

谿

高陽臺

秋柳

幾樹垂隄兩行拂水春閨曾致纏綿能幾回看滿汀斜
鎖寒煙酒旗歌板都消歇剩依依弱態堪憐最淒然冷
眼繁華看到今年 灞橋此日題詩客更衫痕憔悴不
似從前閒說攀條柔情不度谿邊曉風殘月淒涼地更
何人解弔屯田望斜川敗葉零花如此江天

如山

字冠九滿州廬藍旗人道
光十八年進士官贊善

黃韻甫云冠九同年能文善畫與余遇於南
昌依依如舊相議別後千里馳書時達誠素
蓋極深於情者詞亦一往而深有纏綿不盡
之致

洞仙歌

錢小南符祚招同嚴問樵彭小山孫月坡
及小荷蓮卿兩校書寓齋小集時予將客
樵州月坡賦詞惜別予亦掩聲

今番輕別者銷魂誰語打疊相思付琴譜爲春蠶早死
死了還生絲盡也應化一星星雨明知人易如不改
初心斷送濃春是歸路我願作連環雙綰雙攜但去處
隨伊同去便海角天涯又何妨算浪裏流萍有風吹聚

陳其泰

字靜卿號琴齋海鹽人道光十
九年舉人官教諭有鴻雪詞

蝶戀花

拂水山莊

豔福香衣消歇盡畫舫珠簾曾過滄桑運一局殘棋鏜
易燼可憐白髮如朝菌紅雨埋春飛絮殉隄畔楊枝
顛顛畱風韻喚起攀條人試問江南多少靡蕪恨

虞美人

宿遷古下相地項王故里祠宇翼然後殿
三楹美人配焉

亡秦三戶含餘憤子弟江東盡虞兮一闋最魂銷畱取

千年幽怨續離騷 美人合共英雄死 慷慨重瞳泪若
爲楚舞我爲歌 他日漢宮泣下恨如何

滿江紅

秋山

秋淡平空聚佳氣 青山倚郭 畫不盡 翠微煙靄 碧雲叢
薄 高士苦吟寒入骨 美人扶病肩如削 拓紗窗 終日卷
簾看誰家閣 朝不厭重 重嶠暮不厭深深 壑趁桂林
蘿徑短 筇芒屨石上清泉經雨瀉 門前黃葉隨風落 願
諸峯盡勒雁飛迴 休漂泊

張

熙

字子和
官知縣

洞仙歌

病鶴

空山一鶴問天寒 誰共背立松梢 月浮動 算本來消瘦

已到十分新病起况復無多清俸
夜深花不守花亦
相憐一縷寒香滯幽夢怯倚小闌干強自梳翎也只爲
主人珍重且莫向花間避茶煙恐花底風來又將寒中

韋光微

字連懷號君繡長洲人貢生

蝶戀花

題戈順卿詞集依綠園請咏後

幾曲青谿村舍迴樓閣參差深鎖春風靜舊種碧桃紅
不醒亂花開得山無影有客攜樽來選勝傍柳停橈

獨自披蘿磴一片閒雲驅夢冷醉吟又送斜陽暝依綠園在

橫塘之范村余家有荒隴在焉每春墓祭畢必往園中暢游

吳嘉亭

字禮堂吳縣人歲貢生

齊天樂

題戈順卿翠微花館詞

碧痕曲護重簾暝，輕陰散成絲雨絮。冷春濃花深夢窄，喚起吟魂無主。瑤情幾許，拚一寸心香，暗銷蘭炷。箋研烏闌，細研薇露，織愁句。華年暗嗟逝水，東風難繪影，緘恨何處。鏡裏髮雲，鐙前蠟淚，都付紅樓簫譜。宵長月午，怕調轉梅邊，亂英飛舞。寄語雙鬟，漫聲防燕妒。

陳彬華

原名兆元字元之號小松吳縣人貢生有綺玉詞瑤碧詞

菩薩蠻

靡蕪小院城東路，弓鞬淺印蒼苔步。虛掩舊房櫺，亂花無數紅。秋潮江上暮，桃葉蘭橈渡。新燕啄泥香，斷橋流水長。

齊天樂

寄朱西生

年來認遍旗亭路涼風亂吹枯草襍被黏塵征衫漬雨
早把俊遊閒了吟懷醉抱問幾許琴樽故園秋曉舊日
鷗盟暮雲遙憶冷魂悄劉綱仙侶贈答翠箋新格子
同寫詞稿幙隔鏡痕簾圍香氣消領豔情多少江南夢
好悵帽影鞭絲幾番殘照綠上潮寒過江歸計早

憶舊游

子鐵取玉田生斜陽巷陌詞意繪冊誌游
索子倚聲丙子秋夕寒燄一星雨不成寐
新愁舊恨根觸萬端爲譜此解

記衫痕漬酒扇影招香往事魂銷已是傷心別又秋風
吹怨身世蓬飄俊遊漸多零落金粉說南朝歎襍被聯
吟布帆尋夢青鬢重搔迢迢最惆悵是無數春柔恨
阻江潮儘有閒情感只碧雲天末難遺今宵甚時夜涼

明月小立聽吹簫更欹枕愁生敲窗碎葉鏗亂搖

瑣窗寒

九日許蓮友有登高之約風雨敗興同人即集其丁卯廬中校讎達旦以滿城風雨近重陽分韻予得滿字兼懷吳伊人北道

薄霧欺晴涼雲礙曉釀寒還淺龍山有約奈是九秋悽
惋買扁舟楓江路遙半天滯雨和愁泣甚閒庭故種芭
蕉一片商音飄滿人遠亭長短料驛路花飛正多幽
怨長汀衰柳我亦天涯游倦趁蕭辰尊酒故園鬢絲漸
覺霜影換且傾杯絮話宵殘響雜更籌亂

車伯雅

字少雲仁和人貢生有酒邊新譜

海棠春

曉風微颺簾鉤響正睡起錦機閒傍織指擘香絨繡出

鴛鴦兩
落花紅滿苔階上
算春事暗添
悵悵折得柳

條兒圈作連環樣

石同福

字敘民號敦夫吳縣人出浙江知縣歷官廣西梧州府知府有瘦竹幽花館詞三卷吳枚庵曰大旨瓣香竹垞而小令婉麗慢詞蘊藉兼有南北宋之長戈順卿曰運格於高取味於雋

浣谿紗

清淚無多化海棠
西風總是斷人腸
冷吟閒醉送斜陽
寒碧一池圍
皺水淡黃
幾樹剩垂楊
年來消損對秋光

洞仙歌

碧湖明鏡點翠鬢
雲動能得蘭橈幾番
共柰楊花似淚

灑遍秋空吹不轉昨夜羅衾殘夢
故園芳草歇回首
東風紅豆雙雙甚時種那不引相思何苦征帆著意把
遠人催送到朝雨輕塵唱陽關怕松葉玻璃酒盃先凍
謁金門

春欲去無計更畱春住卻問春歸歸甚處落花紅滿路
回憶俊游舊侶忍作天涯羈旅目斷山深深幾許夕
陽江上樹

南柯子

豔雪飛香徑愁漪鎖洞門春陰庭院易黃昏早是東風
吹過夢無痕嫩約空相憶芳韶剩幾分一襟幽思倩
誰論知否天涯情味更銷魂

河傳

指與歸路孤村流水亂鴉疎樹炊煙漸暝漸迷離沿路
數家深掩扉吟腰慣是秋來瘦西風驟涼意乍來便
酒全醒夢難成無情短篷敲雨聲

嚴

适

字子容
仁和人

浣谿沙

不飲分明有醉容箇人生小性嬌慵無聊睡起鬢雲鬆
鎮日無人庭院靜碧陰如水瀉簾櫳落花別是一般

紅

好事近

一夜亂蛩聲添了十分愁緒爭奈芭蕉葉上又蕭蕭疎

雨 故人兩地苦相思
欲語向誰語 鴻雁不傳遠信
但
北來南去

國朝詞綜續編卷十六終

錢塘宗景藩子城校刊

國朝詞綜續編卷十七

吳縣 潘介繁 襄校

仁和 徐慶銓 編次

海鹽 黃燮清 編纂 平湖 張炳堃 增訂

錢塘 諸可寶 校勘

永康 胡鳳丹 監刊

楊尙觀 十四首

沈彥曾 十首

吳敬義 二首

唐壽萼 二首

潘曾瑩 十首

潘曾綬 四首

潘曾璋 四首

管以金 一首

王漁 一首

王赤 一首

郭忠訓 一首

褚逢椿 二首

許蘭身 二首

金文淵 一首

金楷 一首

金楹 二首

康允吉 一首

宋恭敬 一首

徐睿周 二首

徐士烝 二首

楊尙觀

字改之號譜香錢塘
人有延秋仲月樓詞

黃韻甫云譜香懷才不遇習申韓之學而嗜
好殊眾嘗客海州買豔載鶴而歸行囊蕭然
也性酷好飲醉輒忤俗每見嫉於豪貴以此
貧益甚然意興自如不鬱於境壬辰冬日予
館西泠時方嚴寒詣香過從無虛日值大雪
邀予泛湖鑿冰行舟泊荒亭敗柳間譜香衣
薄寒慄肌寸寸栗猶流連不去填如此江山
一闕是夕下榻于齋作竟夕談論其寒甚衣
以做裘笑而辭曰我鍊此傲骨好與朔風鬪
也一日游湖上聞孤山有哭聲迹之則譜香

已慟倒小青墓上矣其牢愁奇恣類如此後
易字改之然終不能改也詞亦哀激淒警讀
之令人輒喚奈何

垂楊

秋柳

曉鶯漸老又暗凋鬢絲一絲涼早喚醒煙魂瘦蘆吹破
霜天曉行人依舊黃塵道更容易玉關衰草待歸時潭
影低回似去時淒渺 丰度於今換了柰梭雨燕驚集
寒鴉惱幾日銷凝翠陰門巷西風埽江湖滿地天涯小
縮幽夢白蘋紫蓼任斜陽不住疎蟬秋尙好

高陽臺

撥火通香移鐙讓月簾波不許風褰院宇虛明悄無人
在鞦韆良宵滋味淒涼好儘消他苦竹哀絃柰何天纔

上歡場便到愁邊 春痕化去渾疑夢問蘭因絮果說
也堪憐打疊閒情都來付與吟箋懺除莫著相思字怪
柔絲寸寸纏綿悔從前慘綠愁紅一例成煙

木蘭花慢

高梧剛退暑乍秋雨又秋風向小院追涼堆籬敗葉沿
砌初蛩空空水晶慊子待良宵界月望玲瓏衣袂涼沾
露氣桂花低散香叢 堂東夜氣冥濛歌素女舞金童
算祇應天上霓裳按譜一曲纔終珠宮步虛聲遠隔芙蓉
似有路斜通驚醒遊仙夢好綺寮遞過疎鐘

西湖月

七月既望吳子述黃韻珊許芷卿夜遊湖上各拈是解

青山四面迴環抱一鑑空明更無塵撲畫樓高下沙隄

近遠六橋三竺艣聲鷗夢醒又泛泛荷花深處宿算此
際真在冰壺風露滿身如沐坐深漸覺天低恍素女
調絲羽仙吹竹好良宵也嚴城漏緊上方鐘肅清暉應
肯駐試再閨雞籌看未足更還要雲外潛吹桂輪香簇

霓裳中序第一

瑞安東山晚眺思鄉懷友依清真體韻

遙峯晚翠疊冷逼亭皋辭瘦葉愁與機絲並結正舞燕
避霜來鴻奔月蘆花起雪料擣衣樓上搜篋歸期阻旅
懷未省待倩素琴說幽絕寒流鳴咽送遠影孤帆漸
滅江干誰解賦別記俊語題瓊綺情留玦補餘天更缺
又幾弄關山怨闌低回處暗蠶淒斷喚醒粉黃蝶

垂楊

依陳君衡韻

樓烏喚覺正麗譙響急月斜銜小滿地霜華酒旗風定
荒村悄紅塵遮斷來時道但煙樹幾行深窈翠樓人應
念關山柰夢情偏少惆悵青青換了看金縷絮空玉
蛾絲嫋怨笛休吹可憐幽緒無分曉長亭一路清陰掃
只留得纖魂縹緲殘蟬縱勸人歸秋又老

南浦

秋水依玉田春水體韻

殘月宿蘆花倚篷窗領取鏡霜迎曉鄉夢白鷗邊商飈
起吹捲疎萍如掃沙清岸遠洞庭波落吳江小深湖兼
葭人不見一片大隄衰草於今空憶西湖把尊香藕
嫩閒吟過了誰唱采芙蓉寒塘外鴻雁幾時纔到荒灣
古渡載愁來去河聲悄曾向宮溝流怨葉中有淚痕多

少

探芳訊

弁陽翁韻

送清晝更絮語吹蘭芳華中酒看煙蕪生處新愁又如
舊桃花應被斜陽笑春向東風瘦認重門故燕棲梁暮
鴉噉發 光景逝波驟見初日沈江斷雲橫岫倚笛臨
風關山繫情否翠樓慵說凝粧上鏡裏飛蓬首甚閒情
更向章臺問柳

鎖窗寒

春寒特甚羈懷甚歎漫賦此解

細雨妨春窮陰護冷試鐙初過花風信香凍了玉梅花
朵料深閨熏籠更溫蠶雲未貼釵梁鞞怕誤他燕子歸
來難認舊巢塵鎖 寒破清明火待鬧上枝頭翠紅停

妥明桃暗柳作暝暄晴都可徧蘇隄驕馬繡車踏青素
約偏誤我記年時載酒尋芳共客招輕舸

霜葉飛

寒花依玉田悼吳立齋體韻

破窗纔有新涼入去蟲聲噉亂衰草滿叢小朵綴疎籬
對冷煙幽抱且莫問淒昏怨曉鏡霜容易飄零早看粉
妝噉處又倩影離幾曾窺見含笑一樣萬紫千紅
更無人賞眼前都是斜照女兒心性未分明帶綺愁多
少怕片刻西風送老牆陰還賸青苔到認院宇依稀十
二湘簾黯然垂了

慶春宮

閨情

斜檻欹茵空簾黏絮曉窗怕聽嘯鵲帳掩餘情衾留好

夢怎生封寄郎邊粉痕銷淚厭梳掠鬢雲半偏多嫌明
鏡偷照顰眉還待閒眠歸期比燕誰先休負韶光紫
姸紅媽絲雨樓臺翦風門巷總成無奈何天水流花謝
漫贏得芳心自憐從來春去都不相關爭似今年

洞仙歌

闌干幾曲在斜陽紅處畫取天然斷腸句待清明過了
未準登程還怕是燕約鶯期又誤可憐春正好若到
春深纔解傷春便遲暮問訊幾番風楊柳桃花都變作
綠成陰樹况極目天涯草如煙又杜宇聲聲不如歸去

臨江仙

最是五更殘月墜起來天氣微涼水邊亭子藕花香翠

盤擎露重葉葉覆鴛鴦
初日漸生猶未暑與誰同此
清光高樓有夢落橫塘采蓮人未醒小艇繫垂楊

南鄉子

清露下橫塘荷葉荷花各自香三十六雙同命鳥鴛鴦
消受湖波瑟瑟涼煙柳畫微茫便不秋來也斷腸蘭
槩一枝帆一片愁鄉沿路風蟬送夕陽

沈彥曾

字士美號蘭如長洲人諸生有蘭素詞

王井叔云蘭如少負稟精研四聲二十八調又性喜游歷煙晨月夕輒以宋人樂府傳之循節揚聲動諸律呂黃韻甫云士美於癸巳秋日與子遇於西泠同人讌集湖上歌女陳姬嫺嫺而嫺亦酒忽忽如前日事今士美已歸道山而嫺亦飄零矣其蘭素詞遺稿由順卿寄示神清意遠字字合律舊游長別錄之如見故人

月下笛

題許連友白隄話別圖

秋老津亭涼生埃館鼓聲催疊家山勝絕畫圖偏又驚
別衡陽雁影知多少想有客高樓倚月更無聊歎枕初
回遠夢夜燈明滅重說年時節記釣艇逢時鷺鷥盟
結陽關唱徹可憐風景蕭屑清游莫忘歸來早怕舊日
吟壇漸歇况嫩柳短長條隄畔青青盼切

瑞鶴仙

月夜登葛嶺

萬峯凝望極正瘦蟾吹上松篁蕭瑟危梯倚苔石記平
章鐙火半閒秋蟀軍書漫惜但逍遙湖山半壁恁當年
秘印葫蘆付與暗塵深積空憶丹臺人遠樂譜瑤天
更誰聽得龍沙路隔魂夢去杳難覓問杜鵑聲裏杭州

新曲可似銀箏鈿笛黯春痕依舊梅花斷隄夜寂

高陽臺

戊寅試燈後三日借蔣澹懷曹良甫朱西
生來游湖上於時寒雨初霽微雪間作湖
樓吟眺清寂殊甚分用宋人西湖詞韻余
得玉田

側帽欹風支篷聽雪琴裝移上湖船莫是嬉春恩
換了芳年吹簫艇子飄燈箔憶前塵事事生憐恁
蕭然襍被重來絲鬢如煙水荇清規誰消得有龕
鐘隔岸漁火平川問訊垂楊甚時絲過橋邊梅花
淺笑圓孤夢怕高寒易醒愁眠且鉤簾舞後谿
山未有嘯鵲

又 留別西湖

酒市哦詩僧廬話雨西冷十日流連能幾番游無
端飛絮漫天家園不少傷春地過江來春亦堪憐
最淒然畫

舫笙歌零落年年 吳門倦客將歸去便間攜蠟屐緩
控吟鞭更待何時重尋山水因緣回頭長短旗亭路倚
斜陽別恨如煙盼湖邊羨殺閒鷗冷抱波眠

浪淘沙

秦淮水榭和戈順卿韻

柳暈碧於紗簾外輕遮蘭鏡初上月初斜花影隔牆曾
一見不似盧家 水文又昏鴉倦聽琵琶沈郎絲鬢未
全華已覺秋心容易碎何況天涯

綺羅香

錢塘某氏子年十六悅鄰家女各以白頭
自矢繼爲父母弗許潛約並繼一所遂合
葬之以終其志人呼爲鴛鴦冢作詞弔之

散麝房虛埋香徑小中有雙魂淒楚悟得曇雲化作怨
情千縷好盼郎竹馬頻來空照妾鏡鸞慵舞懺相思暮

暮朝朝幾重芳草瘦如許
幽宮休更怨咽定有鴛鴦
飛到春風前度片石苔痕繡
出舊時眉嫵澆絮酒未暖
斜陽護花鈴暗銷絲雨但重尋
一樹棠梨杜鵑嗁最苦

齊天樂

宿韜光寺

看山看竹深無路陰陰四圍濃
綠雨氣侵衣泉聲引展
中有三椽茅屋登高望獨指一綫湖光
御迴帆幅夕起
天風半空鐘磬墮林谷
閒來探勝自往怪松梢野鶴
相見都熟虛影籠燈輕塵掃榻好與閒雲
同宿前緣夢
續想昨夜霜飛半林紅足欲問蒼猿
素書容借讀

露華

葛嶺聞蟋蟀聲淒惻無限感賦此解

又逢涼夕認故園草長廢綠煙收頽垣敗砌絮葦先解

工愁爲問半閒遺事罷笙歌商畧吟秋喧笑語蛾眉鬪
寵催下妝樓 惆悵滿圍蒼翠歎扇影釵光一霎都休
兒童未解漫尋淺露衣兜似諷蠻天迢遞更何如曲唱
杭州人定後聲隨亂螢四流

清平樂

辛巳花朝潯州山館作

冶桃開了陌上生芳草纔放嫩晴天氣好休說尋春還
早 今年客裏花朝恩恩詩酒都拋生怕綠肥紅瘦玉
驄歸也無聊

西湖月

湖樓感賦用戈順卿見懷韻

新年乍試蘭燈早雪點衫輕雨飛帆溼水仙祠冷錢王
廟古鷺鷥躡覓柳絲吹不斷莫瘦鬢疏愁共織儘眼

底綠膩紅嬌只道過江春色 相思悵望何時記月地

雲階斷無消息鏡臺寒淺琴裝夢遠想同幽寂幾番風

信換怕舊地濃陰都化碧料應盼新燕重來暗窺簾隙

吳敬義

字恬菴號薇容仁和人道光二十年進士官詹事府贊善

黃韻甫云宮贊與予爲同年友品學粹然詩文皆以蘊藉勝詞獨豪邁近蘇辛顧所作不多茲從家菊人孝廉處錄寄若干首皆少年筆也

大江東去 陶侃運甓

中原一望正漫天烽火驚心鞞鼓擊筑投壺安樂甚不
道官家如許抱甕生涯拊膺時事刺史蓮花府指根成
鐵他年來挽強弩 不柰滿目淒涼江山半壁眼見成
灰土一慟將軍投甓起有曰黃金鑄汝畫角聲中運船

百戰橫塞櫓槍路杜弼陳敏可憐若輩如鼠

金縷曲

謝安圍棋

金鼓連天響甚恁鵝兩陣烽煙十丈一笑攜枰來
賭墅容我東山疎放更莫問干戈擾攘兒輩英雄堪破
敵問先生展齒如何樣應未免涉名想可憐滿目煙
塵障待何時重收覆轍江山無恙太息長安渾似弈雙
劫輓轡來往柰老去白袍飛將四海蒼生都額手算中
原大局資屏障絲與竹謾陶養

唐壽萼

字蕙伯吳江人
有綠語樓倚聲

玲瓏四犯

雨夜無寐憶丙戌之歲同虛堂山塘饑
春聽雨畫船躡月山寺撫今感昔黯然
傷懷傲白石翁體賦此

春水綠去波夜船紅燭相思今夕何夕夢衾尋斷雨醒
枕留殘月誰家水窗橫笛攬離愁寸腸堆積梁燕頻驚
鄰雞再唱風露曉天闊滄浪櫂歌徐發念五湖人遠
襖靄空碧流年詩鬢改舊院繁華歇杜郎自是尋芳晚
謾贏得嗁痕狼籍休怨別判相見此情難說

翠樓吟

綠荷花

苕帶輸藍蘋衣讓蓓亭亭玉清仙子翠奩空照影正十
斛涼珠初賜高華無比訝瑟瑟江心惜惜秋思凌波未
含情還妬石家姝麗此際聞有扁舟擁煙簑雨笠念
伊顛顛櫂歌人不見但搖盪碧陰三里流光如水話螺
黛春痕鳳雛年紀西風裏斷魂誰弔一尊浮蟻

潘曾瑩

字惺齋吳縣人道光二十一年進士現官吏部侍郎有鸚鵡簾櫳詞二卷小鷗波館詞二卷賦笠耕云惺齋詞雅麗婉約得秦柳之神有姜張之韻黃韻甫云侍郎詞如曉霞媚樹春水浮花極幽豔盪漾之致

浣谿紗

題朱酉生黛湖畫卷

渺渺平林澹澹煙鷺驚飛下夕陽天一竿秋影黛湖邊
片雨白迷魚榜外一燈紅到蟹簾前冷雲將夢過前

灘

又山塘晚歸

一隊鴛鴦照影明秋風吹送畫船輕晚涼水閣護紅燈
紈扇風來香綽約羅衣月上影娉婷桂花濃處玉簫

聲

齊天樂

季秋將同內子北上作秋風畫舫圖并題

鞭絲乍拂春風裏，鄉園又驚秋老。細雨飄愁，寒煙織暝，此際別懷縈繞。重陽近了，早背卻黃花，悄移吟棹。一霎風帆，恁恁那管鷓鴣笑。安排鏡奩書篋，料長亭短堠，新句多少。幾點寒鴉，一繩歸雁，紅殺者邊斜照。西風料峭，更江上秋潮，催人去早。燈影蘆花，夜涼清夢攪。

暗香

暮泊維揚煙景蕭瑟寄懷西生聞生順卿諸君

暮帆煙溼，指綠楊城郭，斷雲凝碧。廿四畫橋，多少西風作。寒色一片蘼蕪慘綠。又誰問玉鉤遺蹟。驀記得十里香塵，春影繡簾側。人寂愁暗積，更枯樹亂鴉，作成蕭瑟。夢涼古驛，牧年來倦游，歷望裏青山，何處早盼斷。

雁鴻消息但訴與明月下一聲長笛

疏影

綠陰

湘雲一碧正幾番雨過苔徑微溼覓尋冷冷清清
惜惜乍逗簾額梧桐院落秋如水漸作弄西窗蕭瑟記
那時紫雪飄香閒倚玉闌吹笛 畱取殘紅數點畫圖
彷彿處清露微滴澹寫波痕濃約煙痕一帶涼痕疏密
翠箋曾賦相思句早盼到夕陽消息料夜深月影玲瓏
飾滿畫羅衫褶

望湘人

題葉小庚本事詞後

記紅珠帳暖紫玉釵橫畫中誰認眉嫵團扇新聲雲藍
小字別有深情幾許喚起香魂梨花春影佩環何處又

怎知月冷風尖換了天涯淒楚
多少翠嬌紅妬乍低
回往事細裁箋素定賭唱雙鬢贏取玉樓箏語鴛屏燭
黯蝶綃粉膩莫問櫻桃窗戶歎一例乳燕雛鶯都付斷
腸詞句

擣練子

煙漾綠雨霏紅好鳥聲聲隔畫櫺
卻怪芳園春太嫩柳眠花睡夕陽中

惜餘春慢

翠羽嬌嗔紅襟絮語換了綠陰庭院
一年春色幾處春光賸有春情難遣
鸞兒江隄絮飛織暝搖晴作成淒眷
更多情一縷游絲要把春風闌轉
可惜是樹上殘紅

送春歸去句起玉樓人怨澹黃落日淺碧微波約住輕
陰片片料得花陰夢回一種傷春黛蛾慵展靠闌干極
目天涯萬種閒愁誰管

沁園春

蘆花同查岑華御史元偁作

黯黯茫茫槭槭騷騷西風乍吹正一方秋水冷雲鋪遍
半彎晴雪澹月交還葉葉搖涼枝枝織暝閒殺前灘白
鷺鷥聞柔艣覓孤篷不見畧見帆移無端飛絮差池
有旅客搔頭感鬢絲記柳綿春晚慣添離緒蓼叢秋老
同惹愁思人外蕭寥畫中點綴占得煙波讓釣師江南
好夢太湖千頃肯負鷗期

浣谿紗

柳隄秋泛圖

一樹垂楊淺淺遮渡頭閒殺小漁娃半湖煙雨半湖花
三十六陂秋色好亂蟬聲裏夕陽斜水天涼到鷺鷥

家

潘曾綬

字絳庭吳縣人道光二十年舉人現官內閣侍讀有秋碧詞睡香花室詞

本蘭花慢

夕陽

向疏林缺處早畫出十分秋偏寸寸移來漸迷牆角閒
到簾鉤相望故人正遠恨斷霞飛盡不能畱鴉背翻成
寒意雁聲催起鄉愁登樓不敢記前游千里暮煙浮
更幾疊峯巒幾重臺榭曾與費冥搜畫橋綠波欲溼近
黃昏歸夢又扁舟曲折闌干倚徧累他一晌凝眸

高陽臺

題順之兄秋山行李圖

驢背尋詩雁聲催夢未知秋在誰家無數離愁可憐人
瘦於花六朝勝蹟今何在對青山便隔天涯最關情禪
榻茶煙閒卻韶華 軒窗枕水涼如許傍修篁碎蘚老
屋欹斜行色怱怱空教孤負煙霞名心冷澹秋心碎寄
相思疏柳唳鴉更無聊江店孤燈山驛寒笳

浣谿紗

背倚粧臺嬾畫眉綠陰如水雨如絲新愁祇許侍兒知
刺繡餘閒兼寫韻挑燈近課是吟詩小樓春到賣花
時

慶清朝

題秋柳鳴蟬扇面

斜拂危檣低垂斷浦絲絲秋景荒寒風肥月瘦作成離

緒年年衫上那時被酒而今換得淚痕鮮旗亭路殘聲
曳去秋也堪憐 回憶豔游甚處歎舊家亭沼冷落疎
煙星星鬢老銷魂春夢無邊只有晚蟬自語玲瓏窗戶
夕陽天休忘了舊情縷縷同倚闌干

潘曾璋

字季玉吳縣人現官
刑部郎中有玉淫詞

連理枝

不是驚秋早不是悲秋老只恨秋風送來愁緒年年多
少算還如落葉滿空階一般兒難埽 秋至人難到秋
去人猶杳庭院深深簾櫳寂寂此情誰曉問天涯消息
幾時歸盼月鉤圓了

浣谿紗

題胡駿聲畫梨花士女團扇

寂寞春人倚畫樓羅帷閒挂小銀鉤冷香吹上玉搔頭
花影如雲剛夢醒月華似水有波流夜涼無睡不勝
愁

洞仙歌 新葉

早春時節說青青還淺幾日迎風便輕展漸林梢寫出
冉冉煙痕猶未到一徑涼陰吹徧薄寒仍耐否小雨
剛晴不受纖塵更蔥蒨嫩綠正垂檐已許藏鶯嬌軟處
游絲偏罨但隔著斜陽半邊紅怪不把新愁路來遮斷

憶王孫

疎蟬聲裏一絲秋不到西風先是愁錦色華年如水流
恨悠悠月照黃昏人倚樓

管以金

字夢笙
歸安人

乳燕飛

碧瀾堂

墨榜輕含露蘸晴波天教占得霽谿佳處雙燕多情還
掠翦飛到風梁月柱愛柳色年年如故落日平隄移短
艇只時聽笛唱翻漁譜思往事有誰語 水嬉聞道誇
歌舞記尋芳綠陰青子已傷遲暮說著前歡渾一夢詞
客幾番來去再休問舊時眉嫵歌管樓臺都寂寞賸蘇
潭冷月留人住凝望眼空懷古

王

漁 字二樵
烏程人

買陂塘

梅雨滌暑荷風送涼同人鼓棹夾山漾句
畱竟日鴈詠極歡各譜新聲以紀其事

正瀟瀟初過梅雨陂塘新漲三尺招要詞客同探勝棹

入菰蘆深碧，煩暑滌愛夾岸山巒飛翠，分南北。新荷羃
歷聽隔浦歌來，有人蕩槳小艇載花出。拚流覽不厭
篷窗促膝，詩畫意收拾無端，棖觸前塵夢何處。數聲
風笛。乙亥冬同楊丈秋室過此看紅葉今丈已下世重曳屐對清遠，晶宮暫遣
離愁釋。閒游難得看搶影峻嶒湖光激灩，白鷺一拳立。

王

赤字桐嶼烏程人

南樓令

題榆樓感舊圖

相送木蘭舟，怱怱又一秋。記篝鐙共話榆樓。此日黃公
壚畔，過空悵望綠陰稠。雲散與風流，淒然憶舊游。幸
長箋短札還畱。余將惠書裝成一冊孤負柯山聽雨，約燒絳燭不
勝愁。

郭忠訓

字古奮昭文人諸生有蘭茗館集附詞

菩薩蠻

初夏

垂垂簾幙初長景落花飛絮全無影雲外綠成帷好春
何處歸 簞塵凝積久欲拂愁攜帶誰更下階來櫻桃
空自開

褚逢椿

字錫庚號仙根長洲人諸生有午月樓詞一卷

徵招

鷗隱園池上早秋觀荷

亂紅畱待聽殘雨亭亭碧雲環砌小徑引回廊憶嬉春
煙霽畫闌人靜倚又添了吟商情思玉佩飄香金杯勸
影晚涼風起 煙際片鷗飛蘋漠漠橫塘舊游曾記一
樣露華秋少翠裳羅袂凌波人到未笑詩鬢蕭寒如此

明月下佳約吹簫問冷痕誰寄

好事近

道光辛巳季冬五日集朱酉生齋中主人出女兒酒飲客憶酉生游山陰修已十年中年絲竹各無好懷適艮甫下第南歸今復將之秦州同人亦多淪落不偶酒酣寄慨率填此解

殘臘啟芳筵玉盞滿浮紅珀偏道今宵須醉是越谿春色還憐同作嫁衣裳攜尊意蕭瑟待問畫眉深淺奈粉郎天隔

許蘭身

字芷卿仁和人諸生有蕉石軒詞二卷

浣谿紗

淺畫蛾眉澹欲仙素馨花重鬢雲偏曉妝纔罷又思眠酒後心情嫌我怯病餘意態要人憐昨宵殘夢落誰

邊

齊天樂

雨霽東園晚眺約譜香笛樓同賦

石闌一帶谿流水谿邊翠勻蘋藻喚酒虛村評花小市
誰共漁樵終老垂楊瘦了想半恨斜陽半愁衰草回首
南朝故宮何處付憑弔清游正逢雨後豆籬和菜圃
幽境都妙春月鶻聲秋風雁字併作銷魂詞稿涼生樹
杪聽敲斷疎鐘野僧歸早又是昏黃晚炊煙自裊

金文淵

字小覺吳江人浙江候補知縣有笑吟軒稿附詞一卷

生查子

深坐下疏簾簾外芭蕉雨一滴一聲秋不管離人苦
底用怨殘更歸夢無尋處蟋蟀未知愁絮絮空階語

金

楷

字以莊號露香仁和人
太學生有聽松樓詞鈔

踏莎行

和梅玉屏先生韻

午夢初回春愁仍駐相思沒箇安排處玉簫吹落隔簾
花送愁不去將春去紅滿蜂房翠迷蜨路燕兒也作
傷春語東風偏不解人愁一天飛絮濛濛雨

金

楹

字覺庭號柘雨仁
和人有味蘭琴趣

浣谿紗

鬆髻橫釵浴後妝白荷花滿小池塘迎涼坐近水邊窗
月上漸過麋綠竹琴餘添燕鷗班香昨宵殘夢費思

量

憶少年

一尊濁酒一窗殘雪一鐙深院鎖寒有誰共念天涯人
遠紅焰爐灰釵劃遍數歸鴻又添離怨尋思且拋卻
奈夢中仍見

康允吉

原名葉封號子蘭仁和人歲貢生有蘊可軒詩存附詞

綺羅香

題江蘭圃蓮鄉感舊圖

菰葉吹涼柳陰載酒一舸曾游鏡裏灼灼花房襯出雲
鬢綠膩算只有西子移家定未許鄂君同被恁禁他水
佩風裳嫣然流笑暗香起重來風景不減那解愁懷
脈脈芭緘誰寄第二橋邊舊日翠門深閉渾不管藕孔
多絲生怕是露珠垂淚問煙波住慣鴛鴦箇人曾見幾

宋恭敬

字勝吉號惺甫桐鄉人居盛澤鎮有拜石齋詞一卷

菩薩蠻

層層遠樹青如薺殘霞天際紅於綺一晌好斜陽樓頭
人斷腸無言空有淚樓下長流水過盡錦鱗魚曾無
尺素書

徐睿周

字商卿號東籬荆溪人諸生有籬角閒吟

霓裳中序第一

迴文錦細織萬縷情絲和淚擲顛倒鴛鴦字迹記那日
畫簾個儂吹笛歡多轉感卻爲伊無限憐惜雲行處楚
天夢遠縹緲暮山碧沈寂一鐙寒遍問何事生花報
吉鱗鴻如有信息便好語相寬新愁愈窄妾心猶是昔
怕鏡裏朱顏減色從今後支機一片也化望夫石

高陽臺

絮影

晴雪團風輕煙弄暝漢宮攪散春魂院落濛濛畫陰虛
度長門甚時撲帳窺鸞鏡但迷離細認嗁痕悄難憑暗
逐游絲輕漾湘紋依依張緒添霜鬢便逢白眼偏趁
紅塵夢影依微硯邊誰與傳神六朝依舊斜陽裏蕩空
江不見桃根最堪憐纔化新萍又逐行雲

徐士烝

字嗣根號祖香荆溪人監生有息庵詞

高陽臺

雪謝荼蘼香飄杜若者番花事將闌倚遍紅樓好春尤
覺堪憐關情只有雙飛燕戀殘英猶自踟躕漫消凝幾
樹垂楊幾曲闌干佳期空費前宵夢盼伊人消息杳

隔重山記得燈昏綠窗同話春寒無端吹作天涯絮念
萍踪甚日吹圓驀驚心纖月窺簾誤認眉彎

蝶戀花

挑菜人歸芳草碧放下湘簾隔住尋香蝶飄瞥紅絲開
夜合驚心枝上先唬鳩聽到窗前涼雨歇無計留春
怕問春消息燕子不來門巷寂空餘滿地楊花雪

國朝詞綜續編

卷十七

九

國朝詞綜續編卷十七終

錢塘宗景藩子城校刊

國朝詞綜續編卷十八

吳縣 潘介繁 襄校

仁和 徐慶銓 編次

海鹽 黃燮清 編纂 平湖 張炳堃 增訂

錢塘 諸可寶 校勘

永康 胡鳳丹 監刊

張金鏞 三十九首

孫鏘鳴 三首

葛景萊 三首

王嘉祿 十三首

金泰 三首

申昭模 二首

戈瑩 一首

趙慶瀾 五首

徐廷模 四首

孫澍 一首

徐城二首

恭劍三首

張金鏞

字海門平湖人道光二十一年進士官編修有絳跣山館詞錄

黃韻甫曰余與海門鄉社密邇論詞尤有神契顧以羈宦於自絕少倡酬其詞清微官眇矜鍊之極歸於自然蓋於此事積畢生之力為之所解悟深也王少鶴農部比之清真中仙殆非虛語原藁篇什繁富故茲集收錄特

菩薩蠻

絲絲夢颭星星雨冷鴛愛學傷心語似說去年關今年人影單峭寒渾未減雲釀春愁釀蝴蝶坐儂衣茜痕雙袞低

暗香

梅花煙舍為先大父纂梅花詩話處階前舊有梅十數本大父逝世十年寒枝無復春矣甲申冬補栽綠萼二株嫩枝初試暗香已盈用白石韻以紀不勝客兒述德之思也

證空卽色歎小窗韻杳當時銅笛數點乍開弱蕾盈盈

恐人摘重按山中舊譜渾難續高寒吟筆尙賸得一片

宮商哀響溢芳席遺集存鶴香國夜正寂甚夢裏雪

去痕到曉還積玉去人暗泣呼起詩魂道相憶依約疏

闌斷礎偏換了煙青苔碧問此際飄渺想有誰悟得

疏影前題用白石韻

冰絃喚玉把夢中翠羽驚起雙宿一縷清愁拋入東風

飛來又繞湘竹淒涼路絕瑤空久漫再問山南山北倩

曉雲暫作輕綃與護小亭幽獨惆悵塵凝蠹笥瘦蟬

縱未死叢簡凋綠檻外籬邊病鶴逡巡尙認香中茅屋

坡仙笠屐今何處更莫唱大江詞曲倘舊時殘月能明

替寫折枝圖幅

翠樓吟

宋宮人餓汪水雲處

翠軫彈哀黃繩懣夢冰絲切切空訴家山翻恨曲又攙
入歸鴻淒譜漂零歌舞牘比色寒雅多情鸚鵡銀尊舉
肯辭霑醉鬢霜如許是處明月離宮記紫錢朱絡舊
經行路玉闌荒莫辭歎不平兒懸香秋樹金銅仙去但
目極燕煙淚花霏雨離懷苦五雲紅斷照人酸楚

浪淘沙

出居庸關馬上作

病騎躡層巒馬足雲蟠北風五月撲茸衫今日霜林紅
葉盡一倍衣單長句讀遺山俯仰悲歎上頭詩在續
應難况有填詞朱秀水鐵板敲寒

金縷曲

願晴芬先生請急旋里朱虹舫先生繪潞河送別圖贈行命題此詞

颿影斜陽駐滿征輪隨身藥裏賜書無數卅載朝衫鑪

香染鼈背高寒如許奈潘鬢新添霜縷公新有黃門之悼我自

梁鴻谿邊至盼公歸帶得雙鷗語水楊柳卷殘絮故

鄉畫裏柴門路有青青九龍山色蜿蜒窗戶一艇瓜皮

人三兩小約煙波儔侶署箚笠蓑衣盟主金碧觚棱彤

廷曉卧滄江忽憶新年酺未敢下膾鱸箸

齊天樂

黃韻珊帝女花院本絕故明長平公主事刊成見寄楓書卷端

銅駝石馬淒涼意滄桑頓驚如許鶴市煙甍鸞臺鏡返

重訂月邊簫譜愁擢怨緒賸九死芳心淚摻花雨掩抑

悲懽十三陵上黯雲樹仙音誰獻法曲聽哀彈宛轉

國朝詞綜續編卷十八

三

疑對張女粉泣巾紅香煎篆碧字字并成酸楚秦樓鳳
侶只冷玉深蕤羽衣黃土草齧秋墳瘦鵑闌夜語

金縷曲

沈遠亭文自津門來相見京邸出示香草
谿詞屬題

細數真珠字算弓衣繡殘黑蜨繼聲惟此

黑蜨詞同里
沈岸登著君

其族
孫也

病酒愁春渾如夢飄入曉雲無際只合倩洞簫吹

起莫雨瀟瀟吳孃曲道而今聽到孤篷底千萬感且休
矣 當筵幾點琵琶淚認潛痕誰深誰淺各憐顛頓宦
海名場都搖落付與斷霞秋水但贏得冷吟閒醉花謝
鸚湖詞人語胡瘦山錢蕺庵屈躬園
諸先生相繼遊道山 賸舊懽如影鏡前
墜且莫把紫琴碎

憶舊游

重過影梅夢鶴山房簾櫳如故燕子新來
低徊墜懽頗感今昔述此索同遊諸子和

甚芙蓉曲榭薜荔疏闌鬣地重經略記湘簾畔乍喻塵
小試學寫黃庭長憐病身如葉飄隨曉風輕只一曲凝
雲繞梁幾日猶剩歌聲 漚盟漸消歇便更續芳游難
喚青青過了春時節儘梅邊吹笛斷韻愁聽舊尊怕成
新醉酒夢總零星有前度冰蟾依依照客今夜明

賣花聲

絲雨畫闌前鶯喚春眠羅衣曉怯換輕絛寒勒海棠花
一樹不放紅媽 香裊蕙鑪煙鏡側琴邊憐伊生小愛
詩篇豔體西崑三十六自寫鸞牋

沁園春

書生香館詞

誰檢焚餘碎錦零殘紈牋想翠珉鑄恨病深秋後

紅絲繡影人瘦春前綫篋愁封脂奩淚洗鏡裏螺紋淡
作煙傷心極只墨花幾點百樣淒妍 月憔悴年年
奈金殿名香五夜煎歎銖衣化盡蜨飛芳土瑤琴瘞處
鴟弔荒阡割漆情懷熬膏身世一例蛾眉倍可憐
泣正斷腸花吐怨入哀弦

憶舊游

博陵署齋與友人話塞上舊游

記龍堆臘盡雁磧年初猶戀茸氊狎獵征旗底又黃腸
喚夢滅了春寒最宜試燈風裏銀樹照檀欒正紫暈邊
雲青蘇戍草偷控雕鞞 尊前鎮相憶是玉指搓絃珠
走瑤槃掌上盈盈意似華鬢纔現好月將圓綠驄易催
人別星斗夜闌干便北地重游燕支恨染紅已殘

高陽臺

素月流魄桐陰夕涼瑟居渺懽不能無秋士之感作詩非必此詩益覺予懷渺渺矣

澹影成秋。遙情入暝。夜涼遷徙。伊人夢境。零星而今。夢也無痕。小紅樓角。當時月減清輝。依舊孤輪轉。虛廊風露先淒。何況黃昏。木犀香悟三生果。奈六根除淨未。剗愁根。墜葉能飛。寄將別緒。平分瑤天。渺渺靈修。怨記前。淙如雨。如雲儘。裹回一帶疏陰。悄倚吟魂。

邁陂塘

丙申小除夕過楊西麓聽潮山館命酒論詞殊慰契闊並出錢鞫圖冊索題悵悵秋緒低徊昔游賦此以贈卽書圖後

悵分飛。東勞西燕。尊邊難得攜手。絲痕各歎秋。省換君尙疏狂。如舊君記否。記江岸殘筇。襍被孤篷。候春鏡薦。韭看月落。杯深煙曉。燭小良會正。非偶。聰明悞悔把。

靈根參透生天休問先後畫禪一種無憍意特借霜風
重九花下酒便未過中年也覺漂零數空憐做帶賸有
怨琴絲不平棊局題恨徧襟裊

念奴嬌

蘆谿訪徐問亭賦贈

菰蒲深處有谿流幾折斜通菱港銀鹿青猿都灑落料
理天隨漁網人說南州詞吟西塞新署垂綸長蘋洲吹
笛荻花楓葉皆響堪笑馬背船唇蠅頭蝸角似我空
流浪薑蔗湖田荒亦好一頃煙波無恙雁外詩痕鷗邊
畫藁誰把荆關做與君偕隱夕陽同打雙槩

菩薩蠻

壓簾飛絮和煙重蛛絲網得愁無縫了鳥戛朱門晝長

春笑人 夢懷胡蝶寫小雨鴛聲啞芳意乍闌珊一花
紅半闌

賣花聲

雲髻挽雅雙小小年光料來錦瑟似伊長只恐江干黃
竹子容易成箱 花影上西廊纖月微茫夜涼心事寫
紅牆兩字相思難寄與何況明璫

浣谿紗

六幅湘幃霧影籠舊愁新夢曉來濃綠雲低擁海棠紅
兩載相逢纔一度十年能得幾相逢相逢時候况
窓

又

容易梅花聘海棠阿誰真箇嫁王昌
不曾輕約五湖航
未肯將伊儕譽姐可能許我賦秋孃
司勳顛頰鬢先
霜

風蟻令

茜榻深留霧負
樅薄透煙倚涼
胡蝶撲湘絃應有纖纖
指印在琴邊
碧篠銜風
暝斑苔噬雨
鮮屨廊約略院
西偏又是今宵
雲淡月初弦

滿江紅

晚渡揚子江偶作

畫槩春潮有幾箇傷心才子想當日控絃百萬陣雲橫
紫商女曲中猶玉樹佛狸祠下仍流水笑聞漚冷眼觀
興亡千何事
衛叔寶蒼茫意祖士雅英雄淚更銅琶

鐵板珊瑚敲碎天塹豈容蛟蜃臥醉吟欲喚魚龍起又
鐘聲一杵滿空江寒煙裏

浣谿紗

雜憶

電閃星飛廿四秋海波如夢麗離愁夕陽紅斷舊妝樓
自昔望夫應化石而今呼婦怕聞鳩簷花送雨溼簾
鉤

又

春雨春潮促渡江年年相送木蘭艫采藍時節掩紗窗
斑竹淚痕凋夏薦綠荷幽燄燧冬釭百年幾夕影成
雙

又

入鬢湘雲黛點深鴨鑪香裊蕙煙沈碧紗窗榻靜愔愔
長愛秋涼支病骨偶看春月悟詩心憶裁小句不成
吟

又

棋局安時約小姑簾紋清潤翠簾疏不知幾道笑檀奴
何必鴛絲工織錦戲摹螭影卻成圖拋殘尙有斷箏
無婦幼習繪事偶作小
箏頗有生動之致

又

著箇朝雲錦瑟長冷蟬殘菊正驚霜薄寒分與嫁衣裳
親寫綠箋教識字替植紅蕖倩添香纖纖娥月在西

牆

又

蘿屋西風莫雨天料量歲晚典釵鈿一裙悽黯十餘年
篝火替兒裁越紵倚裝催我換吳絛不曾自製砑羅

鮮

又

一第蹉跎鬢已絲歸來雨雪未嫌遲瘦眉愁喜夜檠知

纔卸衣裝吹小住忽驚風鶴悵分飛盈盈又隔幾多

時

辛丑十二月余自京師旋里旋以海警亡婦
卽奉我母避兵嘉善之清風涇余在家度歲

又

半榻枯禪剗六根楊花何事染愁新天涯今日又殘春
定向桃邊憐女弱似聞枕上說姑恩喘絲扶住幾黃

昏

長亭怨慢

用弁陽嘯翁韻

記一帶畫廊迴處月黑幽關露寒秋宇斷韻零音脆筆
淒雁弄琴趣扇香濃聚休更寫花邊句飄瞥歲星流問
往日怨思何許 延伫念衣涼佩冷定隔幾層窗戶玉
霄咫尺總難把別懷重賦夢痕已逐燕泥空甚還說紅
鸚能語只替客言愁滴滴芭蕉疏雨

情長久

芳序將半絲風弄寒姬人爲檢理春衣感而賦此

駸駸韶序天涯乍怯風如箭渾記得碧桃吹雨淒悄庭
院傷春遺病酒問何事幾度帶圍銷緩鏡奩畔舊裁輕
袂裝絮裝絲拚一晌商寒煖 恨別人天鉛淚星星濺

重認取湘羅顏色。陰鬢同換。近來塵土。黥襟褻底。難覓
那時鍼綫。何況是荀郎老去。減盡芳香。空牘有離愁滿。

淒涼犯

錢唐項蓮生孝廉工詞有甲乙丙丁冀四卷行世其自製弁言曰不爲無益之事何以遣有涯之生真古之傷心人語余言而悲之輒題是解余與孝廉生不相見言愁欲愁詞客有靈定應識我

乘虬已逐埃風渺。淒涼玉樹摧折。茝蘭恨斷。淚花空牘。
碎珠瓊瑤塵凝。暗篋積多少人天怨咽。甚傷心愁迷夢。
魘說與夜深月。牢落悲身世。碧草秋彫。蟪蛄嘯歇。清
霜一鏡。又驚看鬢絲堪緝。粉墜香銷。更誰寫哀唸。弔屈
冷蕭蕭。拂卷似有太古雪。

浣谿紗

槭槭金風宋玉悲夜泉流恨繞琴徽紉蘭爲佩欲貽誰
一樹秋聲新樂府半彎月子古蛾眉退紅闌角畫簾
垂

探芳信

秋信

闔情竦問粉紅蓮房消息誰扛向酒邊吹竹商意入簫
孔燭筵懽處無人報驚蜨飄簾縫乍蕭慘素月淒澄碧
繩斜控催起繡圍夢檢牘綺零羅黯滅香翻病裏初
聞玉釵顫涼先重冷蛩似約梧宮葉潛背銀缸諷漸微
霜一杵鯨鐘夜動

月華清

秋痕

砌竹黏雲籬花著雨那將羅帕輕染魚墨模糊牘得一

絲煙澹記當時題怨雙綃洵此夜墜霜千點闌檻有纖
纖玉指印餘香菴 又是簫期過半悵扇摺芳銷簾紋
波滅唾碧翻殷比似淚斑還淺返春魂夢影低飄看冷
暈宮蛾淒斂重檢只如塵似霧茜紗屏掩

無愁可解

秋源

金簾故情瑤札舊漬鮫宮幾許情思海棠嬌自憐露曉
尙帶粉膩萬種辛酸彈碎綺誰識日夕滋味賸點滴泣
夜涼便化珠顚向那處寄 苦恨碧澗青天盈盈總難
乾蟾蜍愁死唾壺深淺紅換了湘娥冷翠暗濺西風歎
玉頰怎忍說洗妝淒麗且強制怨柳將鴛枕瞞又銀蠟
把入替

玉胡蝶 秋蝶

換盡南園萋景爲誰兜引還自翩翹未殉春花而今蕭
瑟堪憐怨年芳一生太瘦愁夢醒半翅禁寒最無端貼
林冒雨抱菊偎煙 淒妍漸銷香冶玉奴腰細悄舞簾
前冷笑癡蜂夜涼猶愛撲鞦韆謾重認裙邊壞色更休
憶扇底零懽近關干謝孃妝淺墜粉飄鋤

金縷曲

程稚蘅風雨懷人圖偕子山同用孫蓮士學正韻

暮雨橫塘曲記尊前脆絲淒管斷音誰續淼淼江波魚
雁阻空憶廢池喬木賸幾箇松陵皮陸聽到僧廬吟鬢
短且無須歧路悲南北尋舊夢半牀足 哀歌擊碎燕
都筑甚根根冷中獨笑醉來成哭閃爍缸花然往事低

顛銅槃一菽總難忘少年馳逐欲倩丹青添貌我慘衣
裳不是當時綠響瀟浙裏窗竹

賀新涼

王寅四月因海警避居清風涇暇日集張氏園撫景感時觸緒成詠與廣甫西麓同作

風鶴驚心再感恩忙藥爐茶磨半船輕載相約依巢飄
零燕有个開簾人待說前度泥痕還在卅里煙波盈盈
隔趁浮家卻好償詩債尋勝地解蘿帶海山青想垂
楊外歎無端蟲沙小劫引杯增慨卻對園亭雲林畫一
晌且容瀟灑更商畧五湖鰕菜倘遂他時比鄰約縛香
茅那惜蝸廬隘聊寄意寸筵矮

孫鏘鳴

字韶甫號蕙田瑞安人道光二十一年進士現官編修有盤阿草堂詞

陌上花

題孔繡山尺五莊餞春圖卽送歸闕里

餘醪會裏商量花事者番消歇樹暗城南一路翠陰如
接僂蜂愁蝶都無賴更聽聲聲嗚鴉問春歸甚處碧波
千里遠山千疊憶年年此際唬紅怨綠字滿天涯吟
篋寂寞前游未必倦鶯能說生綃怕寫淒迷意况又綺
尊人別怪東風只把柳條裁剪教人攀折

菩薩蠻

題潘季玉梨花吹笛便面

新蟾寫出宮眉譜滿庭香雪春無語花影瘦於雲夜深
閒閉門參差清玉管似訴春人遠露氣透重簾薄寒
生指尖

瑣窗寒

題陳琢如西窗話別圖

錦字嗁嬌煙眉鎖恨玉繩催曙殘宵倦酒人在繡簾愁
絮聽分明更闌未休鳳箏掩抑春鶯語更點盤蠟淚零
紅殷碧伴誰淒楚休誤尊前聚問後夜滄波峭帆何
處柔腸萬轉縱有江郎難賦最消魂雲裏素娥背人怕
照情味苦小窗前又作秋聲碎滴芭蕉雨

葛景萊

字陶伯號蓬山仁和人道光二十一年進士官同仁府知府死節有蕉夢詞三卷

南浦

私才用山中白雲詞韻

寒碧破湘奩泛烏篷領畧秋江清曉舊夢憶鴛鴦涵雙
影尙對螺痕難埽迴波斷處隔谿微漏疎枝小幾筆蕭
蘆描未就鉤出半灣荒草滿湖煙雨空濛只湘潭月
印鷗盟負了柔艣一聲聲橫橋外隱約采菱人到新歌

縹緲暗風涼
逼花魂
悄尙有清愁
流未盡
催上晚潮多
少

月下笛

秋花用山中白雲詞體

煙裊籬根苔黏石罅
故園秋靜斜陽半冷
翠妝猶自交
映迴闌曲曲畱殘
夢恐一夜西風喚醒
看荷珠颭露蘆
綿繚雨碎紅嘒凝
暗證尋芳興
只敗籬枯蘭尙依深
徑濃春豔景
那堪前度曾省
縱教剩點情
絲繞又誤了
蜂媒燕倖
但約畧月明時
描出作疏簾淡影

琵琶仙

題江雁香北渚戴花圖

花裏荃橈盪
絲霧界出琉璃空闊
雙鬢倒寫瑤奩紅裳
破愁纈螺黛遠屏開華
去誰正遙認隔江羅韞
月鏡浮

春雲簾鎖豔鴛夢涼貼 儘描到西子新妝更添買賺

脂認濃抹猶記六橋煙柳共閒鷗清澈還笑止吳娃贈

與用史梅谿詞意占綠波送去桃葉那似飛鷁明湖素綃香結

王嘉祿

字綏之號井叔長洲人諸生有桐月修簫譜

朱西生云井叔四聲嚴密無一不與古人之製調相合黃韻甫云井叔詞宛轉幽媚情景俱深味之紆徊無極

憶舊游

記紗窗枕水羅韞裁雲畫舫明妝生小橫塘側指圓波
作鏡慣照鴛鴦玉笋細彈銀甲衣薄五銖涼愛纖手調
羹笑拈花朵偷記行觴 商量泊舟處有四面風荷一
面垂楊畧說消魂事是釵光搖玉扇影曳香忍教彩雲

飛去煙夢冷瀟湘算舊約都休春風畫楫同渡江

慶春宮

青桐仙館消寒第三集于廷學博出示所藏陳圓圃小影豐容盛鬋麗絕天人始信一代紅妝詩史矣拈西麓調弔之微吟一閱珊瑚來遲

璧月呼名瓊花留影箇儂舊住橫塘桃葉歌殘柳枝折
去柰他金屋深藏舞衣行酒恁天遣周郎斷腸銅駝宮
闕流涕長安恩重韋嬖銀燈夜灑沙場簫鼓迎來忍
玩嗁妝紅拂偷攜黃緇貪翦可憐夫婿侯王翠蛾留怨
似凝睇吳宮路長生綃無恙誰喚真真夜半焚香

淒涼犯

新有軒消寒第五集分得破籬限白石體

舍南舍北西風裏斜連一帶茅屋雪上封六去枳孤煙

度罇暮禽窺熟冰苔碎簇算難鎖空園壞綠到黃昏泥

牆漏月篩影照眠牘 欹倒柴門下短筇斜穿古藤低

東閣蠶絮語記兒童夜深呼燭廢火山樹又來拾零星

斷竹畫荒寒一點瘦紫冒野菊按姜詞第八句曲字非韻詞律註叶誤

曲游春癡雲閣晴小雨沈暝掩關愁坐孤懷不支歌此貽同社諸子并訊探梅之約

院宇春陰峭又錦燈收盡閒閉珠箔暗雨絲絲畫江南

無數夢雲樓閣惻惻東風惡儘撼響繡旛鈴索料鈿車

未趁芳塵催展踏去作青佳約柳郭餘寒漸薄正波活

迎鷗煙暝莫定切招鶴千樹疎梅漸香浮澗戶影橫谿約

淒動江城角怕早遺瓊英飄落待過來後日花朝冷吟

翠壑

虞美人 經舊遊地

垂楊缺處妝樓小門掩東風悄十年前事驀尋思記得
玉人春病下簾時輕塵短夢恹恹過蛛網空檐墮夕
陽一角帶愁紅况有闌干間在夕陽中

揚州慢

于延歸自邗江取玉谿生詩意作高樓風雨圖寓傷春傷別之感臨別屬題爲詞中呂宮一解

紅藥埋香綠陰吹淚竹西省記前遊認珠簾十里枕淺
碧春流正曲平作裏瀟瀟暮雨燕釵圍玉羅帳熏篝便飄
零拚得人生合平作住揚州勝情倦也甚而今絲鬢先
秋怕水皺笙寒燈昏簾冷難被方肺切清愁夜月二分無
恙簫聲斷忍憶高樓又江風飄笛明朝孤夢蘭舟

菩薩蠻

寒食出遊

粉牆紅界秋千影水窗一帶無人凭空翠畫橋邊絲絲
楊柳煙今年花事早寒食風光好花外夕陽多好春
人柰何

又

畫樓如水春陰重流鶯喚起朝雲夢雙鬢未梳時鏡花
紅折枝妝成閒伫立倚近熏籠側香潤玉羅衣薄寒
宜不宜

南浦

草色從魯逸仲體

東風怨碧甚年年吹轉舊池塘一路花驄嘶去釵扇趁
尋芳省記麝蘭埋恨剩紅心萬點澗淒香又綠波天際
斷腸人遠煙夢暗瀟湘那更倚樓望極算江南何處

不斜陽故國相思難寄空與采蘭汀換了數聲嗁鴉恨
青青未抵暮愁長歎鬢痕顛頽賦情長自倦江郎

長亭怨慢

斜陽

是誰寫愁痕天黯雁背微茫一絲紅閃澹抹遙山六朝
金粉剩淒豔暝雲低接生怕是黃昏漸暮影更無多但
送盡歸鴉千點還念甚搖鞭客路極望倦郵荒店離
心挂晚帶一桁酒旗斜飈認幾處廢井歌闌儘長共寒
煙分占又樹樹西風只平作有涼蟬吟慘

絳都春

綠陰滿院春事盡矣感去年邗上之遊拈
西麓體寄小雲

秋千乍卸正柳絨散雪撲帳香痕杜宇倦嗁亭臺濃綠
暝斜嚙桐花一信東風緊玉作簫寒熨衫紋病懷難遣

淒然更聽怨笛黃昏 記趁平山畫舸愛鮪魚俊味芍
藥濃芬勝賞易闌瓊簫吹冷夢中雲江南刻意傷春盡
翠尊贏得消魂斷腸重憶紅橋夜月二分

高陽臺

別侍香

雨箔飄燈煙橈疊鼓離棕忍續歡棕抵死催人花南無
柰圓鐘巢痕只似秋梁燕便雙棲都是恩恩肯消停門
外垂楊嘶斷花驄尋常倚醉鉤簾處認闌干幾曲曲
曲愁紅翠袖天寒殘秋珍重西風休教更比黃花瘦到
花時萬一重逢算今宵酒醒江干誰唱玲瓏

南歌子

別秦淮

紅燭尊前淚青谿夜半潮垂楊未解繫歸橈試問秋來

何苦一條條 醉墨拋宮扇 清歌咽洞簫 月明不照赤
闌橋 誰信短篷風 露有今宵

金

泰字改之英山人與任邱邊
袖石太史合刻燕筑雙聲

石州慢

初寒

鴛瓦新霜寒到夢邊 絲鬢催白 無邊木葉 砧聲添助 半
空風力 高樓漫倚 過盡幾陣 唳鴉塵沙 吹黯斜陽 色燈
影上重簾 儘消魂 今夕 回憶年時 妝閣簫局 香溫鏡
臺花密 千里關山 雲樹一重重 隔征衣 未寄 只怕倚竹
牽蘿 紅絨窗下 閒刀尺 待問訊 平安付南飛鴻翼

齊天樂

拾錦

不愁吹墮 罡風裏 垂垂相輪 高處一火 明邊 萬松頂上

搖蕩諸天花雨珠繩絡護儘響徹琅璫寶蓮千柱齋鶴
歸來踏翻斜照影三五浮雲空外變滅臙哀音怨籟
深夜如訴竹院停雲石壇微月依約步虛聲度無人自
語肯朝暮隨他斷鐘零鼓面壁枯僧夜香重爲炷

翠樓吟

眉峯

石黛皴煙冰奩寫影梁家窈窕多麗修蛾舒寸碧看玉
女晨妝初洗雙尖痕細似削月生稜橫雲飛翠層樓倚
額黃相映夕陽山底刻意深淺隨時甚筆端偏帶不
平情致天涯回雁杳問十樣新圖誰寄重描螺子但壓
得春低銜將愁起添顛頰倦妝慵挽半頰巫髻

申昭模

字范之號子梁元和
人諸生有織綃廬詞

摸魚子

冷雨枯坐秋風入簾感時寫怨情見乎詞

漸昏黃薄寒吹雨絲絲催動離緒珠簾不捲重銀掩是
處翦燈私語人易去還約畧銀缸壁月題詩處歡游漸
阻算絮影空畱蘭期易負寫入斷腸句 緘情地題徧
香荃芳杜冶懷無此淒楚尊邊笛底虛前約誤了翠簾
朱戶情最苦殘夢裏吟魂還繞湘江渡閒愁暗數有薄
霧凝涼淒煙織暝迷卻舊遊路

南樓令

別思繞簾櫳歡情對鏡慵有垂楊不綰離悰猶記調箏
蘭閣裏花影膩酒痕濃 春事太怱怱衾寒夢轉空况
連宵雨雨風風斜倚桃笙愁不語珠箔內一燈紅

戈

瑩字倚雲吳縣人
諸生有聊園詞

浣谿紗

綠繡笙囊色尚鮮繡牀塵滿畫屏前半窗明月照無眠
殘粉空畱金鈿盒濃香已冷玉琴絃花前曲恨一年
年

趙慶瀾

字笛樓仁和人
諸生有叫雲詞

采桑子

垂楊不放鞦韆影飛絮迴塘落日斜廊何處簫聲送隔
牆笑桃門巷重來換老了秋孌瘦了冬郎如夢春陰
又海棠

河傳

絲柳依舊舞纖腰
綠黯年年畫橋
夕陽半蓬雲半篙
歸橈晚天何處簫
底事東風吹不斷
聲漸遠嫋嫋流波
輒莫登山休倚闌
團團落花蝴蝶翻

卜算子

一角小紅樓
四面玳窗子
窗外疎簾簾外山
山外人千里
妾是嶺頭雲
郎是江心水
雲自纏綿水自流
夢也常迴避

又

嬾畫鏡中蛾
羞綴叙頭鳳
折得花枝助晚妝
香壓鬢雲重
坐久袷衣涼
夢斷紗櫺空
獨上瓊樓倚玉簫
和月愁弄

東風第一枝

春雨愴端問填此解

暗水鳴蛙輕雷啓蟄恩恩春又催暮薄寒尙勒花風濃
陰似飄梅雨蛛懸網重但習得跳珠無數驀曲廊微放
斜陽回首片雲遮住漸綠潤天涯芳樹還淨洗枝頭
香絮絃膠倦習琴心燈炧厭聞鈴語雙鴛慵繡怪幾次
踏青期誤問西冷載酒何人愁殺畫船簫鼓

徐廷模

字直甫荆溪人有直齋詞

菩薩蠻

廉纖細雨空階滴醪醑佳約無消息杜宇一聲聲尊前
酒未醒營巢雙燕子舊縷分明記何處是陽關隔江
雲滿山

又

曉妝濃抹遭花妒
花殘賸有相思樹
莫自捲簾看妨他
玉指寒
鴛鴦金縷繡幅幅
羅裙縵約略
步生蓮香塵
到處憐

卜算子

簾外海棠嬌
簾內胭脂妒
昨夢依稀記
未真芳草斜陽
路
燕子卻歸來
梁角呢喃語
不說新巢舊
主情似說
春遲暮

高陽臺

花魂

春老枝頭香消
葉底依依
恍隔塵凡
賸有濃情
還疑倩
影窺簾芳心
未忍埋芳草
渺離愁
輒怯風尖
更難禁
淡

月朦朦細雨纖纖
殘紅尙逐晴橋絮
綰相思一縷肯
便泥沾鏡認嗁痕
黯然怕拂塵奩斜
陽抹處零金粉盼
煙波空憶江南柰
歸來鶴唳淒清
蝶夢沈酣

孫

融號次公秀水人官訓導有泝月樓詞

醉蓬萊

夏齋孤坐抑鬱無聊觸目言情悟焉賦此

看樹撐鴨脚蓮放
駢頭小庭吟徧靜
展桃笙正晝長人
倦貌豢銷殘鳳團
試罷愛蟬聲清遠
夕照沈簾微風沁
枕嫩涼初薦
晚眺憑高澄懷
天宇星影流空
玉繩低轉何處簷鈴
又十分淒婉子細
聽來那邊深院但
依稀窺見花外紅樓
樓頭明明月中執扇

徐

城

字仲堅荆溪人有聽雨樓詞

蘇幕遮

畫屏空羅幌靜一道眉山淡翠橫愁影睡起海棠紅未
醒欲待尋春只是恹恹病惜分飛憐薄命護水鴛鴦
慣向銀塘並簾外游絲吹不定莫倚朱闌小院東風冷

蝶戀花

幾日春陰遮繡戶枕畔愁聽竟夕風和雨曉起黃鶯囀
不住亂紅飛逐枝頭絮記得宵深曾睡去銀燭高燒
儘與殷勤護遙憶當年游冶處薜蘿一碧迢迢路

恭

釗

字仲勉號養泉正黃旗滿州人博爾濟吉特氏由廕生補官戶部郎中授甘肅西甯道有酒五經吟館詩詞草

醉花陰

驛館更籌催玉漏涼意疏窗透獨坐對蘭缸夜雨廉纖
梅子黃時候 燈花小燄搖紅豆簾額銀鉤溜衣怯水
沈薰重疊春愁一領青衫瘦

三字令

花事盡又秋風太匆匆芳草綠夕陽紅雪泥痕風絮影
是飛鴻 從別後少相逢酒罇空烟樹遠暮雲重聽銀
箏吹玉笛總愁儂

百字令

和童硯芸錫厚菴過六盤山原韻

暮雲稠疊問鄉關何處蒼茫燕薊生被青山成間阻三
載邊城羈滯撲面風沙染衣塵土來路分明記天涯回
首不禁遊子垂涕 歎我潦倒中年知交契濶乍喜輪

軒至握手先談題詠事留句六盤山寺鳥道環雲馬蹄
衝雪誰會登臨意今宵郵館青燈他日相憶

國朝詞綜續編卷十八終

錢塘宗景藩子城校刊